



同治戊辰

粘櫟詩

湖少金

十

子



江夏張
氏開雕

櫛湖十子詩鈔序

余宦粵久知粵爲悉於粵士夫相知亦夥嘗歎粵中近數十年人文之盛而詩其尤著也邁時多事蹀躞風塵戎馬之間鮮能從容談議文事顧從諸賢往往得其概焉方乾嘉間海內人文極盛之秋最後袁趙以詩鳴一時風靡子才名初起自桂林老復來遊時臨川李松甫郎中僑家於此門地頗盛子才來買主之然松甫爲詩宗陶韋又時有桂林朱小岑高崑李少鶴兩君子與松甫師友風尙頗道粵人皆知朱李詩法之高於子才來初不甚尙之也朱李旣往粵之詩人益多輩出尤莫盛於道光之初余來雖已不及其盛然猶得與朱

十子詩鈔序

伯韓侍御龍翰臣學士遊兩君故時健者松甫之客零落久矣然如陳君心薌老猶健在官學博揚君柳塘年更老於心薌時亦尙存而汪劍峯曾芷潭彭蘭畹數君者又各以其孤傑雄梟之才兀律自起於粵詩人盛衰絕續之交松甫之子小韋能讀父書爲詩乃不相襲於伯韓心薌劍峯蘭畹輩皆往來倡和至黃香甫趙澹仙者又小韋客之尤著也余旣爲心薌刻其詩得伯韓翰臣兩遺集詩欲鈔刻之又以柳塘從孫嘉甫客余幕久而得柳塘之詩劍峰詩極自秘余亦曾延之幕爲子弟教授心饜其人久而亦知其詩先後鈔存所可慨者諸君往矣遺書經亂或存或亡余之鈔諸君詩雖未必

藉以傳於世然亦足使世之讀者於茲先睹可得其概夫人
才誠不擇地而生然而山川磅礴之氣實鬱洩焉故與其入
性情才力必有相應而發見者桂林陽朔奇峰羅列鏡天拔
地巒峯萬狀灘江天下之清灘瀧數百水石相激雷輓雪歎
以東之海昔范致能謂此間隨地之一邱壑使攜吳中足詫
其人所未嘗見誠不誣也讀諸君詩嶄然如見此邦山水之
奇使人幾不復憶壯遊五嶽吁其勝哉夫粵人詩豈盡於此
卽此數子亦不盡爲粵人然皆生長或老死於其間如小韋
澹仙雖僑家實粵產也故題之曰櫛湖十子詩鈔其中獨伯
韓詩曾一刻於京師所謂怡志堂初編者今卽其本擇尤勝

十子詩鈔序

二

者爲若干首翰臣柳塘劍峰蘭畹小韋香甫澹仙集皆未刻
或僅卽所見或撮抄其略都爲一集香甫詩得最後乃王定
甫通政歸自京師所攜至者因又從得麓原芷潭兩家遺詩
香甫籍漢陽距余里一江惜余來粵知其人未一見而遽已
中歲殂麓原芷潭亦皆未永通政所攜皆昔假歸所鈔得者
非全稿也丙寅歲暮余自邕管班師桂林粵事少定方於秀
峯榕湖兩書院重與生徒稍理舊業又一疏陳象州鄭小谷
比部學行請敘於

朝爲國人式而以心薌副之區區之心之所願望於粵人者
夫豈有盡公餘又與王君芝庭唐君仲方議及此刻兩君贊

助厥意尤殷數月之間余乃奉督滇黔之

命行且有日遂屬芝庭仲方襄成其事豫爲敘其緣起於此
他日攷粵西文獻論詩教者必有取焉刊成寄余滇中讀之
依然如在桂林萬山之間暇與諸君樽酒談藝時也

同治六年丁卯夏五總督雲貴前撫粵使者江夏張凱嵩序

十子詩鈔序

澹湖十子詩鈔卷一

沐日浴月盦集

臨桂汪 運任之

雜詩

兒時視青天謂僅高於屋徑欲借梯登星辰攜一掬長成始
自笑神志太超忽忽忽廿餘年且插塵中足青天不可上兒
時不可復翹首望穹窿青蒼還鬱鬱

到家

我學大鵬飛水擊三千里一路風兼濤送我還桑梓洵洵打
船聲至今猶在耳三旬不見地由來地在此夜來庭下松騰
喧胡不已幽夢乍驚覺猶疑臥篷底

劍峰詩鈔卷一

一

掃我讀書室開我貯書厨築我種花鵝鑿我澆花渠朝來書
叢中如與古人居暮來花叢中如對傾城姝宜何號我身書
癖與花奴宜何號我屋書庫與花廬

游仙詩

并序

少小好仙俗不吾賞採藥石林扶雲來往歸吟此歌

天風答響

冷然御風來漸入清虛天天影映衣裳葱葱翠色鮮仰視白
玉京仙僚滿帝前掉頭去不屑隨意採雲烟惟與造物游不
受簪纓纏大笑出天外洵是仙中仙

天公掬萬星淘向滄溟中一一插青冥狀與蓮房同我欲攜

以餐芒角羅心胸咳唾落九天化作光熊熊一笑大多事徒
驚羣保蟲不如摘作錢天酒沾雲中

身老天地後心遊天地先天地自我出不愧稱真仙傲睨紫
府中狡獪諸少年鞭山驅雲雷誇奪造化權我識惹天笑未
底立中玄今者吾忘吾焉知坤與乾

春夜月下獨酌偶成

碗茗澄微碧爐煙裊暗青花薰三徑月酒浸一杯星壯志憑
看劍迂談聽說經

時聞剌
塾講經

醉來思跨鶴瑤島訪仙靈

松

峯頭何年樹長此葉森然月影不到地濤聲時在天往來深

劍峰詩鈔卷一

二

蔭裡時有綠毛仙贈我如拳實餐之可大年

桃

芳源尋不誤望裡絳華新流水有仙意洞天藏古春一溪紅
雨亂十里綺霞勻我欲花中住非關慕隱倫

道室

松子如拳篁十圍清風肅肅起岩扉澗雲漏入破窗濕山氣
化爲絲雨飛移白石鐙承竇乳剪青蕉葉補秋衣千年老鶴
具靈性從我休糧亦不肥

夜雨

讀罷陰符倦倚幃爐煙漸瘦燭花肥前溪夜半老龍出風雨

一牕愁劍飛

野人

野人野性猶如昨來向溪山步月歸夜久石床涼似水幾回
夢繞白雲飛

題黃雲峯煉師道室

在白龍洞

靈巖借得好棲真元牝門中細問津鬼眼瞰丹青射牖鶴身
向月立如人草當靜夜生靈燄烟散晴朝化綠塵吟罷祇愁
龍出聽繞廬雷火歛如輪

俠客行

風檐前墮片瓦非片瓦乃客也仇頭一主前擲仰天笑吾事
劍峰詩鈔卷一

三

畢主伏地謝客恩客已去杳無痕風騷騷雪擾擾漏沉沉人
悄悄

白桃花

洗盡脂痕艷更加一枝皎皎倚風斜溪頭春過無紅雨洞口
人歸有素霞小詠端應除綺靡相逢何敢憶繁華芳園景象
殊清絕珠幕銀旛四面遮

眼底穠華不復存白雲遮徧武陵村十分冷落春風面一段
輕盈夜月魂玉洞遙尋香有迹縞衣相映淡無痕前身姑射
疑君是萬紫千紅未足論

琉璃窗外一枝舒露井雲臺總不如何幸此君依玉樹新來

彼美好瓊裾冰肌向日愁消釋霞暈經寒盡破除試看深潭
千尺水連番銀浪起徐徐

世外相遭象盡忘無言脉脉淡含芳五陵春色明如許二月
輕陰冷不妨醜面最宜和白雪銷魂何必藉紅粧梅花雖未
修能到也作瑤池第一香

春草

嫩綠柔香總可憐靈均應更著新篇人游郊外宜三月春到
江南又一年是處亭臺經夜雨誰家門巷正新烟畫輪莫碾
芳痕破要使青葱接遠天

劍峰詩鈔卷一

四

細雨捲簾時翠迷洲渚無心拾春入池塘有夢知漫道長安
居不易古原送別早成詩

名臣

河岳鍾靈後風雲際會重老成勞擘畫大度慣包容退食書
千卷傳家笏一峯平生箕穎地早晚縛茆龍

名將

學得韜鈴就連年出塞頻三軍依若父羣虜拜如神睡去曾
爲虎功成早畫麟輕裘兼緩帶儒雅自存身

名士

豪放焉知老風流半似顛烟花宜作伴詩酒自稱仙不藉科

名力偏專著述權休嗤如畫餅姓字世偏傳

名妓

小小錢塘住師師泚水游烟花常二月兒女亦千秋天許生
香國人爭識翠樓自矜聲價重豈愛錦纏頭

梅

一夜羅浮夢重尋失舊蹤風停兼雪霽月淡復烟濃天地有
清氣神仙多玉容最宜流水外時與幾枝逢

鏡

軒轅遺物在閱世已千年明月不到處清光常自懸望中疑
有路破後尙飛天一點晶瑩際非臺可證禪

劍峰詩鈔卷一

五

題梁星舸印章譜

梁君星舸斯籀徒大小二篆隨意摹以鐵爲筆石爲紙格老
堪將鐵石比集成印譜當著書雕虫篆刻聊自娛靈怪輻輳
腕間集蛟龍鬱律函中趨駝頭龜紐工製作無怪片石同璠
瑜我聞古印皆銅製易以花乳始元季文從凹凸分陰陽範
備方圓法天地君也雕螭誠專精不數三氣兼八瓊自注二
界寶錄
上元君有三氣之章陸游入蜀記鍾離
真人命張天覺鑄入瓊洞主印佩之 奇古宛肖禹碑字蒼
堅突過漢鼎銘可備米家記秘玩可供李氏箝黃庭想當獨
坐雕搜際一縷心思寸章寄恍然倉頡張四目手畫螭文親
指示精能之至變化生豈僅區區限五字自注漢禮儀志武
帝時印章皆限以

五字君才本似補天石未得燕然勒功績胸中五嶽起難平聊
刷桃花消永日譬如嵇康暇學鍛托興偶在爐錘術更羨君
詩才富有洵屬鑄鏡造化手他日浸成虹渚編自注星舸著
有虹渚山房
草銘鐘鑄鼎垂不朽

牡丹

洛陽城裡獨芳菲豔重粧濃氣力微占盡繁華仍不俗得來
風韻轉宜肥一生只合居金谷半面何曾露錦幃曾向沉香
亭畔立天姿是否敵環妃

題沈小帆香草美人圖

岸芷江籬惹暮烟宓妃湘女撥神絃春風八詠樓頭坐讀到

劍峰詩鈔卷一

六

離騷第幾篇

莊姜

四牡朱幘舊有輝終風何事逞狂威宮中未必皆螻首自是
君王好綠衣

大雨

誰把瓊瑰厯亂揮傾河倒峽豈霏微半空疑有蛟龍鬥萬嶺
全收虎豹威屋勢欲浮滄海去風聲還挾大松飛昆陽一戰
留餘烈想見當年破敵圍

昭平峽

入峽復出峽孤篷殊宴然四圍山作岸十里水含烟潭黑蛟

龍聚林深虎豹眠何須經蜀道始似上青天

苔

片片垣衣舊絲絲石髮齊山房一夜雨綠過竹階西最愛花
英綴還同草色迷試看斑點處文字訝誰題

舟夜偶成

村春林外歇漁火渡頭過山遠隨雲盡江空得月多衾寒渾
似水舟小只如窠恐警蛟龍睡詩成不敢哦

冬日過準提庵

竹外磬聲銷龕中烟篆歇空庵不見人鶴啄梅花雪

種花

劍峰詩鈔卷一

七

禾黍無可賞競採桃李春可憐力耕者不及種花人

齊東昏

九子鈴聲替戾鳴梁臺夜月不勝情朝班競欲依諸鬼營卒
居然喚阿兄綠酒價從宮內售金蓮花自步中生可憐閱武
堂前柳烽燹曾經永壽兵

陳後主

擒虎兵來可奈何景陽宮裡擁干戈春風長護胭脂井夜月
曾傳玉樹歌半世佛奴無福佑千秋學士有嬌娥可憐身入
長安後始識觀音眷愛多

隋煬帝

不知狂魄醒何年故殿空餘鎖紫泉月色簫聲秋寂寞燕泥
庭草恨纏綿樹前毛羽禽呈瑞宮裏眉粧女是仙殿脚三千
猶未散楊花落盡李花妍

李後主

紅羅歌罷景淒涼書散澄心舊日堂天水有人斲臥楊鍾峯
無意作君王詩成咏扇徒貽誚藥賜牽機劇可傷春殿嫦娥
魚貫列李後主句風流端合主鴛鴦

讀神仙傳戲題

如瓜大棗遇安期砂作黃金術炫奇方士竟登仙傳內信心
不獨在當時

劍峰詩鈔卷一

八

淮南欣遇八公來匆遽登天避伍雷伍被雷被告淮南王謀反天子使宗正治其獄未至八公謂王日可以去矣此天之發遣王王若無此事日復一日未能去世也王乃與八公登山祭天訖即日昇天舐鼎餘丹到雞犬成仙原不待仙材

菊影

騷魂亦自占風流滿地香痕散不收荇藻鋪來三逕月烟雲
畫出一籬秋形骸脫畧仍歸淡色相刪除倍覺幽誰爲淵明
傳小照居然醉魄此中留

戲題美人春繡圖

鄰家鬥草罷春日方悠長窗前背阿母私繡雙鴛鴦

戲題美人調鸚圖

粧罷憑欄立春風正扇和戲將郎小字故教鸚哥

戲題鍾馗食鬼圖

陰雲塞天日光死新鬼煩冤故鬼喜是誰載得一車來被薛帶蘿形狀詭路旁人被擲掄笑室瞰高明作虛耗不惟燈下敢爭先時復梁間發嘯終南進士鬚怒張腰間寶劍寒生芒大聲一叱鬼膽破魍魎魍魎皆潛藏擒來大厲不須縛扶目劔肝供大嚼朝吞三百暮三千食鬼何曾輪尺郭鬼門塞處人門開自注見神異經黎邱何敢重爲災老饕捫腹意殊快仰視天宇空陰霾

貧女

劍峰詩鈔卷一

九

不把紅粧鬥誰憐翠袖單綠窗簾靜下風雨正春寒詩詠斯飢慣爻占乃字難惟應空谷裡修竹共盤桓

樹湖十子詩鈔卷二

柳塘詩存

山陰楊繼榮序

望樓霞龍隱諸巖

諸巖夙經探蘊奇巖腹裏石骨峙谿衍晦明各殊軌龍隱以顯勝樓

霞以幽勝茲來殊缺然架入疎投趾毋乃負山靈解嘲良有以譬

如久別人見面輒色喜肝膈所稔知寧煩頻測揣無恙古烟

雲青蒼長覆被分張互標新變滅何窮已飛飛林鳥歸隱隱

寺鐘起默感今昔懷夕陽閒徙倚

荒齋

小院荒涼我獨行齋中寂寞廢將迎閒堵寂歷數花落古徑

柳塘詩鈔卷二

芊絲春草生薜荔牽簷風漸引蝸涎繞壁日中明莫嫌虛室

無書史靜坐能令百慮清

村燈

蒼茫村逕黑燈火望中生落葉盡邊出短籬疎處明繁燐時

亂影孤客且邁行垂燼更深淺荒鷄抵漏鳴

客燈

耿耿照無寐天涯伴此身長途風雨雪孤館影形神淚迸思

鄉積花占得信真飄蕭琴劍畔竟夜對牀陳

書燈

豈宜墻角棄每向夜分親萬卷雜堆案孤光寒照入星河斜

斷漏風雨獨吟身耐久交真似憐渠共苦辛

舟燈

與波相上下秉燭且揚舲近閃眠莎鷺遙侵浴浪星懷人江渺渺中酒雨冥冥何處然湘竹漁歌落遠汀

題山莊夜歸圖

山居謝塵事偶出惟近尋暝隨烟際鳥攜杖還幽林新月吐巖罅清輝照衣襟隣翁笑相迓燈火籬落深

海上

海上催寒信空齋風雨聲鄉書兼雁斷旅夢逐潮生重以松楸念淒其萍梗情躊躇迫殘歲羈滯感難平

寒食

柳塘詩鈔卷二

二

海上禁烟節風光獨客思雨蒸嵐氣雜天釀暝寒垂春色梨花少鄉心杜宇知故山松柏路振觸又年時

聞角

何人吹角向斜陽一曲關山韻最長近海風聲增激楚憑闌雲氣忽蒼涼承平那用勞征戍久客難禁憶故鄉知有塞鴻無數起亂飛砂磧不成行

苦熱三首

火雲燼燼赤鳥翥炎光低壓虛檐駐驅盡風威聲息無晝長但有蟬鳴樹料頭散髮爽意多林塘蕭酒客嘯歌君不見征

苗壯士方荷戈，裹甲汗漬沅江波。
金流石爍勢未已，赤日騰騰烈燄起。
瑟居一室斗樣寬，如被蒸炊深甑裏。
屏除塵慮神徜徉，靜中心境生清涼。
君不見五溪淫毒爭禁當，鳶飛跼跼溪水黃。
驕陽作意爭三伏，初日熊羆暮霞燠。
廢寢忘餐困不支，旬時當令炎官酷匹如。
原在沃焦居優閒，任運煩惱摠君不見。
農田水車輓轡如官符，火急催軍糈。

大梁懷古

夷門何處莽榛蕪，下士賢聲濁世無。
不礙竊符謀嬖倖，果然却敵出屠沽。
強秦蠶食威方熾，六國雞連勢已孤。
義重救韓

柳塘詩鈔卷二

三

輕保魏美人，醕酒豈良圖。

吹臺何處接平臺，曠代風流遞見推。
知己偶逢高李杜，遭時甯數馬鄒枚。
聲名不藉王門重，懷抱惟憑杯酒開。
興起後賢思復古，登壇何李亦奇才。

綱催花石劇紛紜，轉瞬繁華委敵氛。
休恠金甌棄河汴，早看玉斧割燕雲。
留賢誰省陳東議，雪恥徒回鄂國軍。
寒盡五更難再續，七陵松柏只斜曛。

宋太祖問國祚于陳搏答云
寒盡五更頭取庚字之義

孤城三面大河聲，得氣蛟龍助戰爭。
風雅難追藩衛地，滄桑徒感廢興情。
書堂藏法帖，茂苑天香棘蔓

生周藩牡丹種冠汴中
河決後無復存矣

誰唱誠齋新樂府，夢華好與續東京。

涇陽峽

石勢與篙爭篙篙觸石鳴風濤酣戰闖巖壑亂陰晴雲自乘
空逸舟從脫險輕世情吾飽閱對此轉心平

望英德諸山

一石一山骨峰峰削玉懸蒼寒逼春瘦翠潤與雲妍離屬長
松逕瓊瓏小洞天亦思袍袖置休詒米公顛

零陵舟中

行舟無伴侶孤櫂溯溪津楚樹黯將夕湘流閒向人風霜寒
信早砧杵暮愁新水宿投蘆渚漁家作比隣

舟中遣興

柳塘詩鈔卷二

四

帆底雲垂葉舟前浪噴花爲窮溪窈窕不憚石槎枒奔涉情
殊倦烟波趣自賒祇貽鷗鳥笑浪跡似無家

浮湘六首

無風水涓涓不雨雲脉脉孤篷雲水間頻作浮湘客歲月迫
衰遲山川倦行役亦知偃息佳二頃紆籌策寓目屬興閒扣
舷吟眺適清輝澹霏微流翠濕衽席奔涉感自今澄懷景猶
昔聊隨鷗鷺羣忘機永朝夕

夜共漁父宿曉行弄潺湲谿路無徑遂沿流知幾灣听迴村
影出入望清襟顏茆茨數家住臨溪更依山松石互襟帶白
雲擁柴關想彼幽居者眠起翠微間耕讀無塵雜漁樵相往

還擬結溪壑緣小築芟榛菅暇尋猿鶴伴幽隱窮追攀

舟人貪好風未曉一帆駛我亦愛探奇披衣常早起宿雲戀
高峰分映石齒齒飄忽受風吹霏霏蕩流水水雲合無垠瀾
漫勢千里豈惟畫圖幻俶詭非凡理象外無滯機詩家三昧
旨倏然洄湖間身世離塵滓

叢篁灑淚餘清怨雲和播嗣響起騷人吟魂魚腹裹湘水碧
熨羅湘山青錯磨但滋風日妍不惹鶯花浣岸澗碧沙明天
空翠陰墮寥寥懷古心哀些何人和

暝霧忽不散蟾輝起虛明蕩搖碧流水的爍融光晶萬籟寂
良夜雁鳧眠不驚忽疑超世界舟泛銀河行湘娥宛可接縹

柳塘詩鈔卷二

五

縹雲霓旌逸韻鏘環珮真香流杜蘅茫茫皓彩溢杳杳幽思
縹

章甫昔居越懷刺漉莫投黃鵠一朝舉高飛鄂渚秋問程碧
湘岸片席信夷猶浮湘此重來熟路新賞稠魚鳥識過客溪
山供冥搜未知往此往行脚何時收卽此眷清景世途信悠
悠

嶺南春落葉四首并引

嶺南林木經冬不凋迨時值春深則新葉抽而舊葉隨
脫雖濃陰仍遍曾無露泣空條而殘籜爭飄亦復魂銷
別路感物情之庶候撫韶序以興懷四律偶成三秋同

慨

已是青青歷歲寒春宵却墜滿林丹三分旖旎垂雲密一片
淒迷帶雨殘新故各承天地意苑枯齊向戶庭看冶遊觸迥
悲秋賦策策爭鳴聽未安

樹頭誰識病離離憔悴俄驚已落枝總爲時新宜代謝宛同
人困費支持詩題流水春宮怨曲譜哀蟬盛日思攜酒聽鶻
明日去彫零應是昨來時

曾被東風長養過一年期準付銷磨卷舒有樣留裁剪解脫
無心賭綺羅堆逕痕遮芳草淺打窗聲雜落花多兒童莫共
輕塵掃待迸香泥補燕窩

柳塘詩鈔卷二

六

到處層陰翠幄張就中榮落自分行相看露重紛低綠任是
霜輕亦隕黃暗接鶯巢憐蔭改平添客感入春長炎陬不比
吳江冷芳樹重攀駐豔陽

賈太傅祠

陳書太息有遺聲祇遣長沙弔屈行絳灌何能陷年少君王
原不問蒼生時當有道才難盡身爲多憂命易傾寂寞荒祠
斜日下還如鷗鳥降庭鳴

桃花夫人石

楚宮已湮石未泐豔質芳心銷不得熒熒一片桃花色象牀
人起啼紅雨春風代謝誰爲主花自傾城石無語

冷水灘

是水皆疑冷茲灘獨占名性知炎熱避影共雪霜明白日忽
無色哀猿時有聲荒陬從旅涉砭骨亦心驚

全州道中

舊湘源縣

烟水蕩空綠依微帆有痕我行窮楚國此地識湘源楓落灘
千折猿啼月一村停橈遂幽賞終是愴羈魂

晚上祝融峯絕頂次壁間韻

積翠逼中天靈宮氣肅然蒼茫萬山抱窮劣一峯懸泉石清
虛界松篁太古前曠寒留不得歸路躡飛烟

上封寺曉起三首

柳塘詩鈔卷二

七

夜半飛雨聲錚錚鳴鐵瓦曉來天宇清雲氣浩如瀉
下山雲在天上山雲在地身爲雲裏人眠起蹋空翠
夜來和雲宿四壁尙餘濕曉起不逢人飛雲又來入

下南天門回望祝融峯

下方常見日上界不開雲詖蕩天門迴寒墮岳路分行騰黏
積翠風磴襲靈氛帝座一回望松泉猶可聞

上元泊河口

一滴西江水風吹萬里船桅燈晴賽月野碓暮春烟爐火家

家旺市廛門外各設巨爐謂之旺火門單處處傳龍燈無數挨戶分紅單欲錢買燭入夜則金鼓喧雜

填街溢巷長途無歷日不復憶新年

種竹

不栽花柳多栽竹綠蔭山窗暑不知春雨秋烟看更好風清
月白又相宜

憶江南

萬山中有鷓鴣啼烟雨春酣苦竹迷正憶江南行路遠聲聲
相送板橋西

觀瀑

竹杖撥雲開中天瀑布來雲邊飛霽雪天外走春雷萬壑樹
聲滿千峯日色催廬山清絕地臨眺獨徘徊

遊李比部五丈池館

柳塘詩鈔卷二

八

客舍常相近相過無定期風前衣帶緩花底帽簷欹碧蘚生
幽砌朱闌護小池忽聞鸚鵡語又被主人知

英德峯頭石移來壯此園曉光明黛色雲氣滿苔痕頓助林
泉趣渾忘城市喧知君逢米老欣賞不須論

曲徑多芳草茸茸襯履肥茶烟穿竹盡琴韻隔花微魚隱藻
絲動鳥銜榆莢飛我來因問字偶坐亦忘機

吾丈今詩伯圖書古鄴侯龍門欣有託盤谷許同遊檐果時
還落軒雲廠不收頻來清興熟臨別尙綢繆

鷓鴣詞

相呼相喚伴斜暉懊惱春深勸客歸勸盡行人行不得如何

先自向南飛

獨秀峯

下有顏延之讀書巖

孤峯無倚傍卓然自超羣地湧蒼根出天將翠靄分曠懷凌去鳥高步躡飛雲却訪讀書處空巖背夕曛

遊棲霞寺

東江門

俗呼水東門

外路古寺訪棲霞鐘徹溪雲冷樓空山雨斜僧來翻貝葉人自向曇花不解真如諦教遊逸與賒

昭江夜泊

灘聲聽不休作意撼孤舟夜月翻清影天風鼓怒流燈前羣鷺警烟外亂山浮生計漁人穩宵更尙泳游

柳塘詩鈔卷二

九

觀陽朔諸山

灘路彎環入奇峯錯雜來天風吹晚翠無數碧蓮開峭逼秋光瘦森排瘴氣回舟行不嫌緩觸景句初裁

聞猿

星明雲暗泊沙溪水宿蒼茫五嶺西拍枕灘聲已愁絕斷崖何況復猿啼

棲霞寺二首

幽情隔市闔黃葉映蒼山忽聽經聲出禪扉深翠間泉鳴空谷靜僧語一龕閑爲愛塵氛絕烟霞數往還

寺當蒼靄集僧共白雲棲落葉無人徑寒林自鳥啼憑虛窮

碧落聽月接丹梯洞壑坐幽絕諸天景不迷

晚晴喜友人見過

閑門曾不掃蒼苔屐齒長封綠作堆積雨人如雲共宿晚晴
客與月俱來螢光熠熠投書幌花氣微微泛酒盃始信幽居
塵事少袖中詩句見新裁

江上晚泊

落帆秋色近昏黃漁舍參差接稻莊新月出天無朗照好風
臨水有微涼相依沙鳥舟邊侶如畫烟波客裏鄉定識今宵
清夢穩又逢清景一徜徉

高門石獅行

柳塘詩鈔卷二

十

塊然頑石徒臃腫琢就狻猊屹不動蹲夷相向傍高門若慶
遭逢若矜寵主人富貴時有之此曹招致將何爲猛虎之威
狐可假附炎得氣俱如斯塗餽民膏壯形貌靈竅未通徒桀
驚得非當路臥老罷儼比天門守雄豹訥談猙獰誰敢捫其
質雖賤其體尊腰腹龐然揣何欲張眸鉤爪工鯨吞生公虎
邱石點頭大士化城獅易性如渠感動無所施直訝天工別
賦命賦命獨別當奈何高門所見何其多

旅夜

湘雁杳不至嶺猿寒更清孤燈聽踈雨人在桂林城重以故
鄉感兼之岐路情躊躇身世祇是負平生

有感

落葉空階響疑君步履聲明知判今古宛若見生平半榻燭
花爇一簾霜月清年時此酬對那得便忘情

大融江道中得深字

一線灘源下澄泓瀉碧潄烟波浮權淺松竹護村深聽雁辭
湘渚看山到桂林奔馳成底事祇自付閒吟

欲雪

欲雪未成雪晨朝如暝天風聲酣竹樹巖翠冷雲烟桂嶺獨
爲客剡溪何處邊寒輝入清夢長負子猷船

中秋玩月

柳塘詩鈔卷二

七

銀河斜湧碧團圓秋淨天高玉宇寬一歲月憐今夜好十年
人在異鄉看當頭依舊蟾輝滿照影惟增鶴髮寒風露蕭蕭
棲鵲寂尙耽清况獨憑闌

索居

索居歲月任蹉跎清景娛人足詠歌微雨歇時芳草綠夕陽
明處好山多到門不礙鷗鳧擾謝客曾無車馬過惟有素心
堪共賞相期早晚住烟蘿

昭平早發

岬樹烏猶宿行人推枕先荒烟蕩流水殘月在高天野色清
如此江程去渺然朝霞雜嵐翠漸向小窗妍

春暮感興

飄蕩行踪類轉蓬
稻梁敢說雁謀工
參軍到處通蠻語
詞客從來慕楚風
家並天遙殘夢裏
人隨春老落花中
一聲鶗鴂三更雨
暗送韶華澧水東

鐘聲

三千界內塵迷夢
百八聲來縹緲鐘
夜靜微聞孤鶴警
寺深寒出白雲封
帶霜流處天如水
侵曉殘時月幾峰
到耳春容聽不盡
消磨萬感道心濃

杜門

竟日杜門居閑庭
少人跡寒燈伴夜吟
蟋蟀爲殘客樹罨短
簷深烟侵荒徑白
滯淫歲復道羈思
空如積

樹湖十子詩鈔卷四

存恕堂遺稿

臨桂商書濬麓原

晨起望寶積山

侵晨不能寐起卽對寒峰林杪露山寺上方聞曙鐘晴嵐和
露滴古洞倩雲封遙憶遠公座攜琴欲過從

黃小坡招飲芙蓉池館

掃徑勤邀客幽亭曲折通樹留深院碧花駐晚秋紅月上停
杯後詩成剪燭中夜闌人共醉歸路嘯松風

苦雨

寒雨忽難住江天不肯晴晚雲飛夢冷春草接愁生酒熟頻

麓原詩鈔卷三

逢戊花殘未遇庚小園尤寂寞鎮日不聞鶯

喜晴

風捲連宵雨雲陰曉復開泉聲分磳落山翠壓檐來竹缺留

雲補花穠引蝶迴客無楊伯起誰與共銜杯

謂芝樵兄

喜見芝樵復別

新涼人意健徙倚向黃昏虛籟秋生樹閒雲客到門燈闌愁
近曙情至轉無言日出城西路籃輿又遠村

答勞雲岑

君不見衡山突兀撐青天祝融紫蓋相鈎連長江西來急如
箭倒影欲動蒼松巔馮夷跳波老蛟舞凌風欲往徒茫然忽

傳雲中雙白鶴徘徊南戲蒼梧煙前年初逢楊伯起神寒骨
冷凝秋水酒酣掀髯爲我歌風塵自古無知已蒼鷹蟠空黃
鵠舉我有高陽舊傳侶意氣關中敵灌夫風流白下傳張緒
尋君愁無千里車雁足忽墮空中書雲山蒼茫未識面其意
已重千明珠如公古道那可得肝膽輪困天地窄詩成十幅
青琅玕筆勢翩翩最奇特調苦如彈瑤瑟哀神清欲奪灘江
碧聲氣全憑一紙通精神不碍千峰隔五更喚夢愁天雞摩
空願借仙禽翼聞道明年銀榜開蟄龍忽欲驚春雷白浪如
山渡江去問君挂席何時回桂嶺峰寒客難到丹楓黃菊新
詩料何當直約松陽生洪崖拍肩同一笑

麓原詩鈔卷三

二

仲穆以星橋山人墨竹索題因成一律

縹緲茶烟隔院輕湘簾不捲簾紋平斜陽四壁影先到秋雨
一燈寒有聲風骨如何同我瘦軒牕都愛此君清涼風吹透
闌干曲翠袖娉婷倚不成

秋暮野望

容與平田路松陰轉石梁雲留一峰碧葉捲半村黃有笛先
迎月無衣早警涼遙憐江雁影萬里度瀟湘

馮耘榛新婚後謁選入都置酒餞別

畫眉啼烟曉牕碧沉沉影落秋千月灞岸楊花送玉珂旗亭
風笛催行客昨宵明鏡開雙鸞欲寫蛾眉放筆難張敞毫端

春未了忽聞謁選上長安晴雲半脫灘江樹過江便隔銀河
路蝴蝶安知春夢遙一帆烟月隨君去別館張燈聽豔歌娉
婷燕趙舊青娥若教唱到迴波曲翻悔尊前樂事多聞君少
年擅才藻識君何遲別君早邸吏知迎黃綬尊客懷未肯青
衫老酒盡相看氣益振乘時要各舒經綸折梅詩寄千峰雪
附雁書傳五朵雲離絃暗促鴛鴦柱鴉軋春江動柔櫓江流
可改盟不移斜陽聽我花前語

贈楊松濤外弟

彈鋏誰憐爾知心獨有余愁眠懶中散消瘦病相如筆健臨
新帖家貧贖舊書高堂缺珍膳未可賦閒居

麓原詩鈔卷三

三

棲霞寺題壁

行行蒼翠合松色淨塵容坐石僧無語冲煙鶴有蹤燈明虛
殿梵日出半山鐘卽此得真趣何心萬戶封

秋夜書懷

向晚蟲聲起蕭然對短釭風生秋在樹木落月當窗世味書
能淡窮愁酒莫降江東羅秀士空有筆如杠

木龍洞作

山勢壓城斷崎崑路忽通何年劈太華此地卽蠶叢峰缺露
危堞谷深迴勁風徘徊臨古渡塔影下恩恩

送友人朱松園遊幕

男兒須乘長風遊瞬息萬里凌滄洲生不逢時亦已矣谿山
放浪營糟邱人生進退本綽綽安能與世爲沉浮羨君奇氣
不可遏意欲一蹴江倒流萬卷撐腸神奕奕千言落紙風颺
颺菴畫象山歸不得扶犁未遂行荒陬讀書不成還讀律覆
盆冀釋蒼生憂天衢不得扶雲上幕府何妨借箸籌景行當
年泛綠水王珣異日稱黑頭操觚一字決生死揮麈長嘯輕
王侯腹有詩書卽經濟蟲魚何事窮雕鏤我亦讀書不得志
青巾束縛如纍囚霜鴻于飛羽肅肅稻粱且學隨陽謀湖上
青山如可買狂吟爛醉將何求

戊子十月二十七日寓居湖樓隣廟被火戲筆答友人

麓原詩鈔卷三

四

問

屋角啼妖鳥譁譁來告凶水星忽避舍燄燄飛祝融連震複
閣排山倒火龍百萬騰虛空天鼓震動聲隆隆濃烟突起水
雲黑半天翻作殘霞紅但聞號呼動林木又見奔竄迷西東
富家歌舞猶未終譁然驚散肉屏風左顧金珠如列肆右顧
倉積皆崇墉口宣佛號頭搶地顏色慘沮形龍鍾小子徐起
挾書走敝衾委如墮甌同熒惑馮怒皆股栗富者駭遽貧從
容天公待我亦良厚何爲感額悲終窮

題桃花扇傳奇

中原北望盡烽塵如此江山最愴神忍說夷門舊公子香樓

占斷秣陵春

揭帖何嫌太激昂蛾眉猶恥佩明璫奄兒縱附東林社未必
江南不戰場

江左誰撐半壁天金陵極目倍悽然中興南內傳新政樂府
先翻燕子箋

鼙鼓聲聲白下門渡江戰士若雲屯可憐金粉污腥血誰似
桃花扇上痕

刁斗森嚴虎帳開西風落日角聲哀梅花嶺上衣冠古遺恨
千秋少將才

六朝送盡又南朝煙水蒼茫半里橋若問秦淮好風景不堪

麓原詩鈔卷三

五

往事說漁樵

觀段春堂畫魚

四壁淨如拭簾紋漾晨曦但覺好風來素練生漣漪丹青誰
擅寫生手脫腕游鱗躍清瀏赤鯉暴頤鰕魚肥見人便欲揚
鰭走滄茫暮色江含煙泳游在藻潛在淵老蟾推波夜潮起
鯨魚拔浪鯤鵬騫乘風頃刻觀變化豈能鬱鬱安微涓禹門
突兀三千丈問爾何時排銀浪我亦頻遭點額回江湖不復
能相忘對此如讀秋水篇使我心在濠梁上

秦淮雜詠

南朝樂部早逃名瞥眼淮南又用兵寫就法華經數卷煙花

一枕夢初醒 卞玉京

故國歸來別恨深 幾回歌舞幾霑襟 寇家姊妹都如玉 俠氣輸他薄萬金 寇白門

洗桐拭竹是儂家 翡翠熏簾日易斜 寒菜一畦人已去 空勞清夢到梅花 李湘真

阿儂生小住吳門 茅屋疎籬自一村 嫁得風流好夫婿 琴囊詩卷弔香魂 董青蓮

感事詩成春夢婆 故宮門外落花多 不堪往事談天寶 丁字簾前自教歌 鄭妥娘

角聲吹斷陣雲愁 不是將軍也斷頭 今日蛾眉能抗節 蕭郎

錯認是溫柔

葛蕊芳

麓原詩鈔卷三

六

霞裳六幅繪山河 回憶迷樓感慨多 莫道侯門深似海 吳綾到處署橫波 顧眉生

風流不學舊琵琶 一曲離鸞只自嗟 忍見王郎家已破 誰憐零落向天涯 頓小文

景州道中

熟梅時節雨晴初 一路香塵走傳車 麥氣浮來平野潤 枳花開出短籬疎 暫消鄉思傾新釀 欲典征衫買異書 指點雲林蒼莽外 故園風景近何如

曉發荏平

野店聞雞唱車前又鐸聲樓臺分曙色燈火戀殘更遠樹疑
煙澹疎鐘得露清一年花事了四月未聞鶯

途中卽事

我行履南畝大麥時已黃老農欣有托遊子思故鄉樹色媚
晨潤溪聲生午涼相思在灘水片颿明夕陽

八月十五夜月下踏歌效嶧山碑體

鴻濛夜氣壓山低淪漣風定星一溪管絃吹徹碧雲裏百萬
金蛇騰浪起老蟾吐月涼于水晶簾却下生寒波醉倚胡牀
看太阿我欲淬之向明河凌風羨煞通仙籍天宮未肯容狂
魄不然青蓮何遭謫何如深夜泛湖船長篙擊動蛟龍淵廣
陵洪濤落眼前恣遊不覺蓮漏永闌干北斗橫清耿風露一
身臥松影

麓原詩鈔卷三

七

秋燕四首

遨遊京國計全非王謝堂前舊侶稀絮語梁間猶刺刺離情
江上轉依依小樓欲雨尋春過深巷無人帶月飛雲水萬重
須道遠長安雖好不如歸

西風斜日客天涯何事差池去復回楊柳應憐舊門巷梧桐
空寄好樓臺半簾涼月同清冷一路秋山獨往來猶自呢喃
聽未了誰知懊惱別心灰

烏衣何處是家鄉衰草迷離塞路荒不禁春江思舊雨邨堪

秋水傍斜陽關心簾箔身如寄瞥眼鶯花夢易涼自顧紅襟
毛羽做問儂底事一生忙

會記斜飛萬綠新無端振觸也傷春歸來村路悲黃葉夢入
江洲冷白蘋搖落情深緣作客炎涼閱盡奈依人海梁瑋瑁
雙棲穩不向繁華踏軟塵

嘲蝨

披襟憐鶴瘦爪甲尙餘痕厭汝頻生蟣嗤余類處禪憎寒慵
澡浴對客愧搔捫無縫天衣好還當丐帝孫

水月洞作

深谿嗜幽僻到此如坐忘雲氣徧山瘦灘聲戰雨涼片帆隱
林杪孤樹倚漁莊馴愛鷓鴣性怡然雲水鄉

麓原詩鈔卷三

八

櫺湖十子詩鈔卷四

芷潭詩遺

平樂曾克敬躋堂

登湘山寺浮圖絕頂

海風獵獵雁羣忙，吹落松雲入蕙纒。
山勢南來開百粵，江流北走匯三湘。
中天珮引遊仙馭，下界鐘鳴選佛場。
手把芙蓉叩真訣，浮生合嘍紫霞漿。

雨後

林烟疎欲斷，新綠擁成村。
古屋臨春澗，桃花流到門。
地如栗里僻，民有葛天存。
遙羨持竿叟，無言坐石根。

連日陰晦泊大宜渡

芷潭詩鈔卷四

野色墮蒼莽，扁舟湘浦西。
雲如春夢嬾，天向客頭低。
水氣寒生枕，炊痕煖一谿。
關山正綿杳，愁絕暮蟄啼。

二月望夕由湘陰入湖南風大作乘月夜泛詰朝過洞庭君廟亭午已出巴陵口長歌紀之

我聞洞庭四萬八千頃，東控彭蠡西黔髻。
噓吸眾流張巨浸，飛湍怒擊巴雲高。
禹功疏鑿迹已杳，晦明往往神霧朝。
竭從湘源濫觴來，復瀏洙澆記所遭。
昨下湘陰望湖口，九江汨沒隨洪濤。
長風吹月半天紫，倒影星河入湖底。
舳艫銜尾蔽空行，怒帆亂颭檣烏起。
浪頭空湧摧如山，踏破晶宮駭龍子。
蒼雲欲裂開參差，江妃瑟絃風間之。
翠旂孔蓋倏隱見，鱗鱗魚

賸來何遲老仙擲笛侑我酒
鮫人出舞夜闌後夢跨蒼蚪從
帝遊張樂爲宮咸池奏金銀臺闕何崔嵬羲和叱馭鞭若雷
茫然一覺曉霧霽五光十色重霄開瞳瞳日氣射湖濕迴視
大地無纖埃天長鳥飛疑不到神鴉萬點胡來哉舟人初指
洞庭廟白酒黃雞事祈禱拜舞迎神曲未終靈香散作朝烟
裊眾舫欲泊不得停瞠視無語神魂驚有如萬騎絕大漠啣
枚疾走唯行聲冰戈鐵槩森在耳轉帆忽斷君山青須臾出
險眾相賀吳歛楚些喧巴陵我亦舉杯快奇遇胸中芥蒂消
何處却望岳陽下泊千艖艫烟波漭沆愁南去

湘中絃

芷潭詩鈔卷四

二

洞庭月出波含烟霓衣霞珮來姍姍紅冰淚濕綠雲下憾遏
湘流入絃寫鮫人啼血龍女愁洪濤雪捲君山秋曲終心飛
翠華遠海枯石爛心不轉

黃河曉渡

霜清聞畫角客枕落黃河日射搏桑曉星流碣石多懸堤奔
渴馬濁浪駕橫鼉欲泝蒲昌海滔滔九折波

出都言懷三首

挂壁一長劍頻聞龍吼聲風塵聊拂拭星斗忽縱橫士可輕
彈缺時方謝請纓崆峒吾欲倚休更向人鳴

十年說經濟贏得素衣塵敢幸存儀舌猶宜惜政身浮名餘

敝刺旅食厭勞薪此日論行止吾方愧古人
祿養嗟無術游踪遠亦非誰云毛義檄能敵老萊衣烏鳥暮
相警白雲秋更飛寄書知達否昨夜夢先歸

放舟

昨宵風雨溪頭泊紅杏當樓柳拂堤春夢曉來無覓處片帆
遙指亂峰西

戒酒

我性嗜醕醪泥飲輒濡首膏騰長日夜身亦非我有放言敢
狂悖拍案膽如斗大呼死便埋荷鍾迷卯酉頽然殊不禁烏
烏還擊缶無端亂歌泣終夜勞我婦須臾聞雞唱朝旭射窗

芷潭詩鈔卷四

三

牖似聞老母聲淪茗挾下走宿醒頓茫然整衣起見母母曰
我有語兒宜終身守汝父爲杯杓以致促年壽汝豈復自縱
鐘瓢不離手汝生甫六齡父骨歸山阜柰何年甫冠乃欲隱
於酒所學竟如斯空言垂不朽汝父死苦早失教誰之咎汝
今聽我言一杯勿入口氣清自淵穆神靜易抖擻庶幾對賢
聖蘊釀日深厚又若汝弟少遇事宜汝誘倘亦效汝態何以
訓其後立身須及早去惡如去莠家門望汝賢挂體或絳綬
如何肆沈湎日以戕杞柳我聞此語畢勝聽蒲牢吼長跪謝
母前吞聲泣霑袖

按此戒酒詩乃龔茂田一貞作也刻苔岑集中與芷潭詩
相次傳錄者混焉今苔岑集板本既失而茂田詩亦無他

存者鈔芷潭詩仍附其後弗忍棄旗卽芷潭詩亦僅苔岑
集中所刻曩從茂田所得見其手稿一冊篇什尙富今皆
遺亡不可尋
矣定甫記

芷潭詩鈔卷四

櫛湖十子詩鈔卷五

怡志堂初編

桂林朱琦伯韓

述訓

我家萬山中繞郭粲林麓灘水從東來峯巒互起伏獨秀尤
奇崛石竇闢寒綠我祖耽邱樊傍此結茅屋荒田餘十畝昕
夕缺餽粥負米溷城市折閱較斗斛冬夜寒無禪生事日迫
蹙赤骨耐艱苦僻性蒔花竹饑腸詩共鍛敝巾酒可漉親友
日夜疏鍵戶少剝啄阿翁時在沂講席萃英淑六載棲琅琊
倦鳥歸何速我祖六十餘婆娑鬢毛禿植杖方倚閭相見淚
盈目我父拜堂下征塵未暇撲挈我問起居攜我呼伯叔我

伯韓詩鈔卷五

一

弟抱在膝挽鬚笑相掬我母赴厨下椒酒進醺醪雜沓疑夢
寐歡聲動鄰曲迴思吳楚間歸帆駕舳艫大江多烈風溽暑
蒸亭毒吞舟避蛟鱓射影愁虺蝮歷負行叩叩鴻羽鍛翩翩
侵尋二十載迴腸轉輓輓少小多苦辛南北恒僕僕猶記趨
庭時授經就黨塾阿翁方從宦宰濬作民牧嘉慶癸酉秋滑
寇起馳逐白旗蔽山岡赤子血箭鏃所仗惟孤忠幸未罹慘
酷承平今已久下車重踏踈呼兒踞庭前敝書陳一簞貽謀
無多言兩字耕與讀至道在日用如布帛粟菽百篇孝弟歌
勉勉繼前躅

詠古十首

子壽抱金鏡風度孰可方執法誅祿兒亂源思預防時危道
不直白羽爲悲傷丹橘委歲寒孤桐憶秋霜鬱鬱感遇詩衰
然冠三唐陵轍務高蹈並駕獨子昂嶺嶠有正聲千載永相
望

杜陵有遺老乃是稷契人致君必堯舜風俗可再淳廣廈構
萬間所謀非一身望帝託杜鵑感憤悲填膺煌煌三大禮郊
廟實式憑惜哉老布衣僅以詩人稱

昌黎好薦士如饑渴飲食同時郊島輩餓待扶植紹述雖
異趨推轂一何亟古人性情厚持論少谿刻嗜善非爲名義
在求自得李杜去未遠追逐無遺力愛古不薄今掩卷爲太

息

伯韓詩鈔卷五

二

少時學爲詩酷嗜秦中吟樂府百餘篇夢寐相追尋風騷義
少劣漢魏實浸淫元相昔並稱筆彗異青琴紛紛牛李黨傾
軋爭崎嶇公獨務怡退抱道甘陸沈出處兩不愧終始無異
心老嫗奚足云語淺意自深

時俗競豪宕澹語每不喜栗里寂無人蘇州乃繼起卽事樂
名教孤賞滌塵滓林樾藹已綠迴塘泛春水郡閣時無事羣
彥盛文史風雨海上來燕寢抱深恥睠言歸西齋養疴臥田
里百年老且壽陶然味茲理

我家榕城西畛壤接柳州柳侯昔謫此羅池懷舊遊蠻荒地

若瘠子女聲呶嘍質錢沒奴婢獠俗變澆偷蛟龍屈冉溪雲
雨興遐陬豈惟雄文章政事一何優獨惜少年時銳進昧始
謀三復孟容書才人爲涕流

岷江奔激湍大峩陟飛磴子瞻本詩老笠屐快遊興憶昔紹
聖初羣奸方骫政磨蝎何多厄恃此道力定四海一子由相
倚若性命晚借幼子過儋耳造幽篋艱難自著書和陶以天
勝

宋詩從韓出歐梅頗深造荆公獨峭折硬語自陵蹕詩教根
性情觀人殊靜躁湖陰坐吟賞於我亦私好文字豈能廢經
世未知要兵論無一諧畫虎微含誚禹稷讀何書望古發悲

伯韓詩鈔卷五

三

嘯

涪翁內外編銳意藥甜熟明月作寒鑑高詠齊玉局江梅證
氣味演雅寓感觸平生奉母心友愛性敦篤作堂名怡悃結
寮傍槁木西風吹楚道淚灑古藤綠憂國挺大節如公信不

俗

晦菴昔論詩南渡首放翁萬樹寒梅花團扇誇吳中壯年志
功業邊雪淒朔風中原誤和議仗劍思從戎斗酒換西涼一
笑千觴空南園偶作記規諷何從容淒涼綿州詩異代符孤
忠

白嶽

白嶽雄西方翠色九千丈其上接銀河其下藏罔象朶朶青
芙蓉欲視不敢仰玉女粲然笑攜來九節杖雲深衣袂隔但
聞環珮響明星徒睽睽絕頂無人上排雲叫青冥設想吾其
儻

遊天伾謁禹廟

荒祠雲黑蝙蝠飛古柏溜雨根十圍巋然廟貌隆崔嵬當年
神禹勞刊隨東過洛汭至大伾明德遠矣思山樛丹柱歛旄
紛撐楮攢羅戟著蟠芝栴神姦圖繪驅蒙俱澗花瑤草紛離
披忽開異境西山屣躡佛腳絨苔衣以首仰天拂長眉顚
顏凹面決睽睽颯颯竊出銜其髭塔上一鈴將語誰道旁穹

伯韓詩鈔卷五

四

窿多大碑鞫風拔木聲何悲盧瞞蠖蠓委塵灰王越折筮功
烈卑就中新建英名垂手擒逆濠莫艱危登高縱筆忽一揮
字大如斗形摹奇波工椎冰手裂龜墨虹看擣萬穀皮青壇
回首忽噓欬指示戰壘環城陴疇昔毀亂經亂離滑臺喋血
無子遺孤忠捍衛勤指撫幸脫虎口神扶持骨肉重聚歡不
支老親髮白形神疲趨走末吏遭詆謫痛定思痛那可追松
櫨策策搖夕暉浮邱拂袖猶依稀洪河東徙故道迷步下山
門立荒陂危崖躑躅浮雲齊

答陳東橋

古人曠不見來者誰與偶欲溯正始音惜生千載後風騷去

已遠六義病雜糅後生獵浮名持論不忠厚往往據壇坫抗
顏肆擊掇江河勢日下那能障罅漏斯道懼中絕穿石引微
溜寥寥君子心高誼亢獨守眾譽競苟得真賞貴不朽感子
意深長殷勤獻杯酒

潔安河

我行至潔安夾道聞傳呼云是奉使官馳驛旋京都寒風卷
飛旆獸炭然香爐執戟爲前導輜重載後車中有朝貴人蜂
擁而雲趨縣官接道左觀者填路衢行館供帳盛肴錯盈庖
厨僕從恣飲啖食飽棄其餘使者一日費閭閻十戶租庶幾
勤軫恤采輯風俗書疾苦達

天聰此行將不虛

伯韓詩鈔卷五

五

過大梁與李生紹庭話舊

大河東去接冥濛牧澤青陵有路通慘慘啼烏梁苑月蕭蕭
落木吹臺風悲歌我自懷枚叔憔悴人疑是禿翁猶記城西
舊遊處孤燈夜雨滴疎桐

道經河北客問當時守濬事爲述其畧

李逆昔構釁妖星纏角芒識微防亂源保甲編黎陽黎陽歲
苦饑赤地多蝻蝗民掘草根食雜之以秕稊賑濟苦未周鄰
邑連巖疆揭竿誘爲盜奪獄忽鴟張滑臺火不息驚聞縣官
戕蠟丸至濬郊四境紛倉黃先公奮髯起泣諭達政堂百姓
爾無畏嬰城與存亡飛符募丁壯傾橐爲餼糧戈楯出庫兵

樓櫓踏曉霜紳耆署爲長什伍排冊譜部分僅俄頃突至奔
犬羊白旗互伍嶺呼噪浮邱岡西斷巨橋水東窺李密倉惟
時癸酉秋紫霧橫蒼蒼祖姥方臥病變色歆匡牀阿母仰天
泣誓死古井旁子時甫十歲奮臂登陴望弱弟僅七齡急起
走且僵當官義不顧袴裙何昂藏防身一豹鞭健兒列兩行
先取守禦完睥睨嚴巡防次將內奸鋤亦未多殺傷腥風卷
虎牙吹角聲蒼涼赤布裂萬幟巨礮崩雷碾橫戈十七日鏖
戰天無光我軍據勝算撫背扼其吭董丞及徐尉控御西北
方火攻率營伍儒將推兩王縣丞董敏善典史徐松齡教諭
王三畏把總王起祿周守各控

伯韓詩鈔卷五

六

當賊計無所施芻蕘掠荒莊婦孺爲所虜雞犬驚走翔亟令
團鄉勇守望相保障羽書飛告警總統天威揚解圍不需時
電掃收櫓槍 帝嘉守城功晉秩裒煌煌禦侮乃臣職
敢云銘旗常善後屢撫輯枯骨埋北邙功成身亦退宦海觀
滄桑沈淪枳棘地返駕驂鸞鳳父老思膚功肖像虔祿將磨
厓銘峴山遺愛懷桐鄉奄忽廿餘載賤子難具詳哀哀述事
詩聽者涕沾裳

范將軍輓歌

桓桓范將軍厥名曰雲龍十三學擊劍十五彎強弓三十投
柳江奮臂思從戎少年本無賴失路嗟英雄饑虎號寒林倦

馬嘶北風鬱鬱行伍間自分甘長終俄聞黔苗叛犴獠忽內
訶白晝出殺人矯捷如猱狻割據盤山巔煽動連巴賫帝
聞赫斯怒爰命威勇公建燾來南方掃盪湖以東揆兵簡車
乘壯士爭相從遊擊秦良臣領隊當前鋒君時隸麾下躍馬
持長楫大呼山爲摧聳身登危巖生擒巨酋歸馳下厓百重
勒侯愛其勇薦剡列首功授君以陣圖勸君以樸忠始爲百
夫長威却千罷熊乘勝復乾州芭葉齊進攻蛇巢負險固竹
箐環深叢我軍不獲入仰首當其衝督師福康安憂思積忱
忱誰能獻奇策爲我殲羣兇君乃踞帳前叱聲驚霆露曰余
敢殺賊黑夜乘昏蒙舉火焚其穴伏兵起相拔賊亂自爭刃

伯韓詩鈔卷五

七

奔潰聲誦誦卷旃復窮追金鐵交錚鏖飛礮震巖谷顏雲壓
奔猱鯨鯢無漏網豕豕狼囚轆轤奏凱當轅門毛髮青鬢髮左
手持人頭右手執戈戲不避矢石傷流血被體紅元戎爲解
甲親酌琉璃鍾露章奏天子翎翠旌勲庸累遷至參副寵
眷方隆隆丈夫誓許國不憚捐微躬哀哀遊子心少小多鞠
凶二親不及見滂沱涕沾胸九江古雄鎮斧鉞何尊崇移節
至袁臨錦服乘青驄勲高眾所忌亢直誰能容老臣甚矣憊
乞骸陳情憊帷蓋許歸田桂管探奇峯買田南溪間伏臘粗
能供膝下九男兒嶄然期亢宗含飴復弄孫種菜成疏慵老
驥伏櫪歌慷慨明深衷酒酣對親賓談笑驚疲癯每言臨陣

時跳盪任衡縱指其皮膚間刀箭癢朦朧歲行至戊戌烈風
號嚴冬沈寒殫肌理壅腫浮雙窳旗鶴翩來迎含笑歸幽宮
我忝附羅薦莫學陳璧琮諸孤乞誌墓大石相磨礪勲名重
麟閣劓勒鼎與鐘攄實紀長篇髣髴精靈通仰視箕尾星黯
澹寒蒼穹

陳東橋招飲秋廬

寒烟開別墅落日坐疏楹飲少客亦醉樹多秋有聲琴尊王
冕宅畫史子雲觥笑語見滋味歸途踏月行

聞呂先生論文有述

文字無今昔六經爲根芟夫子抱遺篇狂簡慎所裁講席秀

伯韓詩鈔卷五

八

峯尊百史能兼賅吾粵文獻攷家法推東萊二陳去已遠蒼
梧亦遼哉最病士疏陋荒俗難挽迴絕學屢興歎百年待奇
才丹鉛老不疲舊書讀百回初時自浙歸顏鬢猶未頽高築
萬卷樓嘯歌城西隈後稍移南郭花竹傍簷栽弟子遠遼進
白髮笑口開論道有繩尺舉酒方歡哈指謂舊師友徜徉不
我猜初月照高炯乃自桐城來義法守方姚無異管與梅示
我震川文有若飲醪醅元氣自開闢眾妙歸胚胎廢興雖百
變真意無隔闕憶昔束髮初執卷心忽摧每恨古人遠津逮
難沿洞豈期生並世几席獲追陪助以堅操履閉門絕梯媒
庶幾傳樸學一使志業恢

彭子穆招同少鶴餞別

并承示池公
生春晚章

秋雨蕭蕭白燕詞
龍溪遶遶鬱哀思
寢門風義猶行古
嶺表文章待起衰
撲筆昔曾歌慷慨
登車莫更惜倭遲
酒酣試共王郎舞
看爾滄溟跋浪時

官誠十六首

有序

陳君子瑞之官西安屬余作官誠詩辭不獲已因雜述先訓并耳目所見聞擇其今之可行而不戾於古者得詩若干首書以貽子瑞

曩聞爲縣官首在能親民親民廼政本痛癢關吾身譬如一家中兒女或吟呻父母往撫摩咆勃不汝嗔官果能愛民

伯韓詩鈔卷五

九

民自與我親有寃向官訴疾苦得縷陳日日上公堂不知有官尊官亦笑顏開桑麻課劬勤陳說孝與弟禮教得漸散士爲四民首教養最爲亟我輩起側微艱苦由目擊秀才倒寒餓挾書往謀食豈無豪傑士志氣半銷蝕干謁誰獨恥流弊亦已極長吏雖甚賢謂此非吾職學校委冷官風化不得力文章日頽壞人材從何出爾我共此苦饑走恒太息扶顛此其時慎無忘今日

簿書苦牽掣奔走事塵鞿縣官所得爲獨有理獄訟奸宄嚴爲懲執法敢疏縱特恐善良輩鞭蒲遽輕用務在養恥心平情究輕重我思古良吏民隱靡不洞一夫構疑獄數家廢耕

種牽引及里隣負累實已眾虎狼縱需索破產忍饑凍刻木期不對念此能無慟

百里彈丸耳周知頗不易奸胥與蠹役往往巧爲伺閭人司橐鑰竊柄尤縱恣若輩本關允要亦皆人類苟能善用之亦可集吾事毋偏聽生奸毋翫法滋弊開誠令其感嚴明使其畏官書我自治安用汝識字

老成貴持重遇事當深沈權度旣已詳果決吾所欽胡爲狂積習民務久滯淫一日復一日孽海多冤禽奸猾肆毒痛燭火燔鄧林官方耽宴安謬云力不任譬彼立木偶無異聾與瘖又如墮瘴霾白晝成黯霏安得霹靂手迅掃空妖稜葛藤盡斬除神斷忽式臨公庭無障蔽是非快人心捕役爲盜罔縱盜盜乃橫逋逃不復追緝牒徒奉行坐視而保奸齎糧資所營薄責遽散遣告者反怒嗔鼠竊置不問嘯聚將難馴不觀漢杜張犯者必痛懲構線密爲訪懸賞重以繩枹鼓亦漸稀坐擅神明稱誰與清盜源感格還龐涓重農固邦本吏治日蒸蒸日上

伯韓詩鈔卷五

十

經費籌久遠兩稅有定額臧富務在民筐篚培國脉有司凜成憲徵課敢乾沒獨虞吏胥輩宿弊未盡革得錢飽私橐雞犬肆驅嚇租稅本多門勾稽難徧覈所冀恤民瘼節費減差役牧羊去其擾按地編鱗冊時軫流亡憂毋令脂膏竭我讀

春陵行太息腸內熱又思陽山令催科爾何拙

治法無百全利弊恒相因與利毋過急積弊難驟更條例日
增多厥患惟因循試於放衙時清夜私自捫何以質天地何
以報君親何以盡此心何以宜吾民勿云礙成例棘手空屏
營征徭閔疾苦荒墾勤耨耕義倉備荒災糴糶籌虛盈保甲
與牧馬鞭迫虞擾紛良法難具詳神明存乎人廢之不克舉
彌縫成空文舉之或不當弊竇將叢生

疾惡患太猛去奸患太柔閭左多頑民大半緣惰游梟盧與
擲博往往藏姦偷縱飲逞毗睚殺人快恩讐此風北爲甚獷
悍貽隱憂吾聞古良牧害馬不可留又聞老農語芟草去其
蕪督責詎不嚴犯者紛相投官舍多樗蒲蚩氓復何尤治疾
貴尋本瞑眩終能瘳勉思藥石言庶幾民有鳩

伯韓詩鈔卷五

七

靈府本無塵嗜欲爲之賊百端紛交攻六鑿恣隱慝清濁好
雖異果孰失孰得此心亦自知鎮物或矯飾有如寒空月忽
被老蟊蝕改過貴勿憚防意本難測要須常惺惺道戰勇則
克乘風纜勿縱臨厓馬先勒懷哉清白吏常懷三不惑

鴉鷺不同類貪廉性則殊達人爲我言聽我歌兩途昔日豪
華子擁貲出上都流輝耀裘馬負債忘積逋夤緣結上官飲
酒爲歡娛子孫旣習奢浮雲不斯須回顧悃悃吏守拙仍如
初被服無紕綺懸庭有鱸魚清風抗來葉教子惟讀書善人

天必昌苦語良非迂我聞再三拜寶之若璠璣貪者富不足
儉者貧有餘

昔賢敵氣誼寅恭重同官平心戒諂瀆循分求所安正如操
舟行篙櫓齊力殫文武縱異趨並濟期交歡新舊雖更代忠
告無隱謾柰何據要津瑣瑣爭交盤不見范與吳念舊恤孤
寒助賻麥五百營歸絹千端惻愴艱難際軒豁露膽肝古心
今已渺古誼原不刊抗手挽狂流君請爲其難

造物無巧擇大塊常并包窮達分已定膏火徒煎熬策馬登
此山復見他山高攀援不復止枉已無乃勞權門日尊沓恩
怨紛糾撓咎責滿八區所得不織豪古來秦岱名達觀等鴻
毛果腹同一飽藜藿逾珍膏卑官能不羞立腳方堅牢欲取
鳴琴彈渚鴻方嗷嗷

伯韓詩鈔卷五

三

登高望中原三輔最爲壯峭函峙左右洪河來莽蕩龍虎幾
啖食周秦迭興喪客從關中來爲我言其狀上腴列天府隴
阪壓寒瘴習俗雖號洧民氣亦云抗隩區誇富庶健鬥成風
尚所貴化淫靡教之以禮讓况今值承平深仁蚤醞釀尹趙
溯遺徽終南餘感愴積習久必變懸揣恐未當相期下車時
父老一親訪

君才頗卓犖君志殊介狷朗抱如澄潭洗鍊出瑤銑嘗自言
其失吾性實少褊下急時屢懲芥蒂每難遣操刀况承乏縮

綬殊泐忍震厲恐過剛歛退患太輒安能養天和造福蘇民
喘予聞心竊歎知過如子鮮三折成良醫內訟卽盧扁此疾
君勿諱此言行當踐

燕臺昔把臂繾綣如故知及今遠遊宦舊學仍孜孜周孔去
已遠大道久陵夷百家相披猖學偽治益歧憬然緬前型猶
幸存遺規致用不在多仕學原兼資君於退食暇一一參考
之其源在正已其要歸無欺讀史擴其識讀律究所宜由是
宏遠謨仁政以次施行矣君勉旃努力佐良時

石門道中

呶呶軋軋山之坳亂石磔轟窪復高溪流清淺土瘠磽居民

伯韓詩鈔卷五

三

三四編衡茅炎風燒夏天爲焦十日不雨枯禾苗僕夫揮汗
如水澆挾軋欲上喘且噀兩手把握堅以牢客子拳曲嗟懸
匏擾擾牛驥同疲勞呼童煎茶坐蓬蒿不嫌繞樹棲鳥巢但
盼甘霖漑東皋一洗塵鞅清浮焄請君聽我輿夫謠

神駒一首寄彭子穆孝廉

神駒產渥洼來自流沙東碑兀竦天骨電影青雙瞳卻立一
長嘶萬馬真可空金臺誰爲築支遁何時遇用以駕鹽車蹠
蹠失故步苜蓿不得飽忍飢就長路長路豈辭勞白楊聲蕭
蕭世無九方歎驂騑慘不驕咄嗟生風雲爲爾思鬱陶

病叟吟贈潘少白丈

一叟年五十呻吟臥破屋問叟所病何無言識隱曲人病病
身心叟病病世俗身心懼沈痼鍼砭苦未足世俗久浸淫
戾氣潛伏養癰固胎患抉疣亦傷速治療有後先上藥本無
毒人才若元氣培養乃漸復得賢邦必腴造化挽當軸醫國
貴崇本醫心在寡欲細思病叟言救時此可卜

酬馮魯川比部

魯川眉宇清而修坐擁圖史日校讐近來詩思愈涌出妙語
一一如探喉我昔識子自余君謂子年少兼能文九衢人海
勞問訊同巷咫尺不相聞余君大笑爲我說爾我結隣已一
月牆頭老樹蔭數畝門外長者少車轍風高葉落秋氣清披
衣徑往坐石枰酌酒花前競談笑叩門時時聞棋聲我近移
居愁寂處子亦簿書困旁午壁上詩篇久塵積惆悵隔年不
和汝去秋一日恒數見於今十日稀一面不是趨直無閒暇
我自閉門疏懶慣聞君近寫陰符經毫端倔強蛟龍形乘興
一揮數紙盡牀頭醉倒雙玉瓶昨往乞書君夜歸似云良會
已有期市上黃羊正肥美十千沽酒莫復疑

伯韓詩鈔卷五

古

酬余小頗農部

余子澹蕩人進道乃獨勇農曹號繁劇冷性就閒允鍵戶恥
干謁羣書時坐擁佳士或偶聞往造不旋踵會稽有潘翁抗
顏志周孔披霧立峭壁老柏抱孤聳樸外了無悅豐中鑿亦

洞當代論才傑於子最矜寵我昔聆警效几杖獲親捧子亦
時在座交臂失控惚詰朝勞枉顧卻立轉惶恐謂我有文章
譽我過瑤琪竊喜鍼投芥又如石待硎京華多貴游奔趨厭
闡茸幾人陳高義斯道墮塵壟潘叟今歸吳行將老邱隴新
知獲聖俞辦香奉曾鞏君文日奇肆大波起軒涌近追歸與
方遠凌晁與董自言縱冥揆銳欲掃翳壅巨筆走驚霆沈思
抽獨蠅嗟子本樗散謬使備藥籠望塵慚駑駘吟觸螿螿
疵類亦自知指摘不嫌侂馮君居相隣切劘志尤竦昌黎亟
嗜善周雅儷璧琫扶顛非一士廣厦構椽栝舊游惜惘惘短
髮愁種種庶用企前型所懼航斷港頽波子其挽滄溟障濛
瀟

伯韓詩鈔卷五

五

飲伯言寓齋次和

委巷雪積無車行寒廳夜語圍孤檠短章示我老無敵長策
籌海勇且英堅壁不進疑李牧投筆欲往輕班生酒闌倚劍
膽肝露長河耿耿秋雲橫

送陳蓮史方伯之官江南

不見太邱今五載拈髯一笑大江橫觀人觀物有高論古貌
古心不世情淮海雄藩倚半壁東山霖雨望蒼生中年哀樂
豈容過寄語林阜尋前盟

潘少白寄寓江左
少白有林阜集

孔繡山青天騎白龍圖

雲背鞭龍龍已飛手持玉杖吞朝暉巢父掉頭胡不歸長安
茫茫半塵霧幾輩騎黿不敢渡看爾白日破壁去東溪歲晚
玉女峯我願爲雲君爲龍不辭青蒿倚長松彷彿見君排雲
至夢中海客早心識披圖咄咄稱怪事拍手大笑三千年對
嶽樓上捫青天酌酒北斗扶桑巔賀監再逢酒中仙菖蒲花
開紫玉煙勸龍一觴且醉眠

雜詠

木葉蕭蕭易水寒五年兩度客長安於今屠狗無豪俠莫與
荆卿一例看

築宮請自郭隗始愛士三年獨此心當日君王求駿馬不知

伯韓詩鈔卷五

六

虛費幾黃金

聞說城東萬柳堂益都花月費平章只今簪紱無閒日往事

風流惜詠觴

昨看牡丹崇效寺寺前好鳥喚提壺國初諸老風難繼剩有

青山紅杏圖

九蓮遺像淨如蓮瓔珞莊嚴歷歲年竟使大璫爭媚佛長椿

花雨散諸天

縹馬花之醉海棠百株更有國花堂豐臺紅藥窰臺月蜂蝶

春來爾許忙

謝遷劉健堂堂去憂國無人屢歎嗟豈獨風詩留正始宅荒

雲老李西涯

師友華亭未敢忘，猗蘭一曲自揚揚。果然浩氣還天地，百拜城西諫草堂。

徵君寄寓無人識，秋老雙松白晝清。詩客何郎獨愛古，井闌年更考開成。

東山歸去豪情減，鶴再南飛涕淚多。尺五莊前楊柳綠，春歸怕聽餞春歌。

鈍翁好毀阮亭譽，日下紛紛說舊聞。既有望溪文字古，如何史稿付橫雲。

十剝荷花對酒卮，西園澹墨亦多奇。承平潤色宜文事，正是

伯韓詩鈔卷五

七

金鼇退直時

鐵石高風在竹樓，乾坤正氣屈纒囚。師門困學原無負，未信黃冠乞羽流。

揮斥明儒說性書，欲將解詁揅空虛。孔光張禹成風氣，便腹何誇有五車。

清閼圖書集上方，四聲八法各專場。惜翁舊有翰林論，只惜清班少諫章。

古意一首和楊紫卿

美人立雲中，亭亭抱明月。被以芰荷裳，佩以青玉玦。凌波起微步，照影光未滅。雲螭翔左右，吹簫向丹闕。散作鸞鶴音，滿

聽實清越迴颺奮餘響流徵忽淒咽蹇修時不來高義徒悵
結

戲撥東方朔傳爲詩

侏儒長三尺臣朔長九尺亦奉一囊粟錢二百四十侏儒飽
欲死臣朔飢欲死臣言可用異其禮無令但索長安米

龍逢爲宗正史魚爲司直延陵季子爲水衡百里奚爲典屬
國是時朝廷多賢才裂地定封各奉職臣伏觀陛下功德以
筦窺天以蠡測海耳不聽鐘鼓音目不視靡曼色

非有先生耕田力作不及人臨眾處官不能治民明有所不
見聰有所不聞意者拂於耳謬於心毀於行安可以不務修

伯韓詩鈔卷五

五

身

購駒襲狗不得已孤豚咋虎至則靡先生自視胡與比數問
長老賢人朔書具是矣通其條目考文理失毫釐差千里

集書爲幃蒲爲席編蓬爲戶土爲室好學樂道服膺而不失
諷誦詩書百家悉力摹之日夜孳孳已三年於茲水至清無
魚人至察無徒捐薦去凡以義相扶方積思於六經馳騫於
唐虞先生喟然長息愉愉响响從公孫借車

禮義不愆何恤人言鶴鳴九皋聞於天抗之在青雲抑之在
深泉自公卿在位朔皆教弄書數萬言不見用名過實因自

訟

烏哺轂蛇遺跡先生曰咄困於衣食行步偶旅終無益一當
萬乘主意合心同計無不從褒賢錄德賞有功海內晏然固
園空

甘露降朱草萌左鳳闕右神明守相至公卿咸得其人安於
覆孟遊神養精後世稱其仁天下震攝諸侯賓

以爲蛇又無足以爲龍又無角朔飽食安步爲庸人誦說今
則不然遵經勸學優而遊之使自索虛心定志亦可以樂

伯韓詩鈔卷五

1089

